



ATASSUT

UPA2015/142-1

Siverth K. Heilmann

04.05.2015.

Nunat Avannarliit Killiit Siunnersuisoqatigiiffiata kaammattuuti-tut aalajangersagaata Inatsisartunit ilalernerqarneranik Inatsisartut aalajangiiffigisassaattut siunnersuut: Nunat Avannarliit Killiit Siunnersuisoqatigiiffiata Savalimmiuni naalakkersuisut, Kalaallit Nunaanni Naalakkersuisut Islandimilu naalakkersuisut kaammattorpaat suliniutit umiarsuit atorlugit angallannermi svovlimik aniatitsinermik annikillisisinnaasut eqqarsaatigalugit suleqatigeeqqullugit. Nunat kaammattorneqarput ikummatissat mingutsitsinnginnerusut, taamatullu aamma atortut avataasiorluni aalisarnermi imaatigullu assartuinnermi angallatit ingerlataasa pujuliornerinit svovlimik paaasinnaasut atorneqarnissaannik piumasaqarnikkut sunniuteqartumik avatangiisinullu mianersuussisumik nukissiuutinik atuinermut periutsinik ineriartortitsineq atuutsitsilernerlu pillugit suleqatigeeqqullugit.

(Aallartitat siulittaasuat Lars-Emil Johansen)

Nunat Avannarliit Killiit Siunnersuisooqatigiiffiata Savalimmiuni naalakkersuisut, Kalaallit Nunaanni Naalakkersuisut Islandimilu naalakkersuisunut aalajangiiffigisassatut siunnersuummut kaammattuuteqarnissamullu ATASSUT-miit imaattut naatsumik oqaaseqassaagut.

Inatsisartuni oqallitarnitsinni, avatangiisit matumanilu nunatta, nunattalu avataani imartat pineqartillugit, umiarsuit kilisaatillu angallannerinini sapinngisamik mingutsitsinerup minnerpaaffissaminiitinneqarnissaa anguniartariaqaripput oqariartuutigisarparput.

Taamaattumik ATASSUT-miit pissusissamisoorluinnartutut isigaarput, nunat sanileriit pingasut akornanni Naalakkersuisuusut kaammattorneqartariaqartut, suliniutit umiarsuit atorlugit angallannermi svovlimik aniatitsinerup annikillisinneqarnissaa siunertaralugu pimoorullugulu suleqatigiittoqartariaqartoq.



ATASSUT INATSIARTUNI

Nunatsinni aalisarnermi piniartuunermillu aallaaveqartumik inuussutissarsiutitta pingaarnersaanni, aalisakkat qaqitagut piniakkaniillu pisatta nerisarineranni peqqinnartunik nerisaqartuarnissarput, peqassuseq, siunissamilu kinguaassagut eqqarsaatigalugit qulakkeerunniagassaraagut.

Siunnersuummi tunngavilersuutaasut kiisalu Naalakkersuisut akissuteqarnerminni tapersiinerat paasilluarlugu oqaaseqarnerat iluarisimaarparput, neriuppugullu mingutsitsinnginnerunissamik suliniut, nunat suleqatigiit pingasut akornanni iluatsilluarumaartoq, taamatullu ATASSUT-miit tamakkiisumik tapersiinerput nalunaarutigaarput.